



**ZAPISNIK O RADU 36. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 13.02.2023. GODINE**

Broj: 01-GV-02-273/23
Sarajevo, 13.02.2023. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Vedad Deljković, predsjedavajući Kluba gradskih vijećnika Stranke demokratske akcije
5. Srđan Srdić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srdić“
6. Adi Škaljić, predsjedavajući Kluba gradskih vijećnika Naše stranke
7. Muamer Mekić, predsjedavajući Kluba gradskih vijećnika Socijaldemokratske partije BiH
8. Amra Zulfikarpašić, predsjedavajuća Kluba gradskih vijećnica „Enisa Spahić-Amra Zulfikarpašić“
9. Bajro Biber, predsjedavajući Kluba gradskih vijećnika „USD-BOSS“
10. Jasmin Skorupan, zamjenik predsjedavajućeg Kluba gradskih vijećnika „Korora/Skorupan“

Odsutni: Dragan Stevanović, zamjenik predsjedavajućeg Gradskog vijeća (najavljeno odsustvo), Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“ i Mila Eminović, sekretar Gradskog vijeća (najavljeno odsustvo)

Sjednici je prisustvovala, po ovlaštenju Gradonačelnice, Aida Bajramović, rukovodilac Stručne službe za poslove kabineta i poslove Gradske uprave.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 14.05 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **većinom glasova**, izjasnivši se sa osam glasova „za“ i jednim „suzdržanim“ glasom **je usvojio** Zapisnik o radu 35. sjednice Kolegija Gradskog vijeća, održane 01.02.2023. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** dnevni red 36. sjednice Kolegija Gradskog vijeća, tako da glasi:

1. Utvrđivanje prijedloga kandidata za Drugostepenu žalbenu komisiju
2. Priprema za održavanje 24. sjednice Gradskog vijeća Grada Sarajeva
3. Priprema za održavanje 25. sjednice Gradskog vijeća Grada Sarajeva
4. Razmatranje građanske inicijative



5. Razmatranje prijedloga Gradonačelnice za postupanje
6. Tekuća pitanja
 - Priprema za obilježavanje 01. marta – Dana nezavisnosti Bosne i Hercegovine
 - Aktivnosti Grada Sarajeva u pružanju pomoći građanima zemalja pogođenih zemljotresom

Član Kolegija Bajro Biber je pristupio sjednici Kolegija u 14.10 sati.

Ad1)

Utvrđivanje prijedloga kandidata za Drugostepenu žalbenu komisiju

Jasmin Ademović, predsjedavajući Gradskog vijeća je podsjetio članove Kolegija da je na 35. sjednici Kolegija Gradskog vijeća dogovoreno da klubovi gradskih vijećnika, do petka 10.02.2023. godine, dostave kandidate za Drugostepenu žalbenu komisiju koja se formira u skladu sa članom 46. Etičkog kodeksa izabranih i imenovanih funkcionera Grada Sarajeva, kao povremeno radno tijelo.

Informisao je članove Kolegija da su, do održavanja 36. sjednice Kolegija Gradskog vijeća, prijedloge dostavili:

1. Klub gradskih vijećnika Naroda i pravde koji je predložio Nijaza Kurtovića
2. Klub gradskih vijećnika Stranke demokratske akcije koji je predložio Emsela Krupaliju
3. Klub gradskih vijećnika Naše stranke koji je predložio Dženana Tikvešu

Zatim je pozvao i ostale predsjedavajuće Klubova da predlože kandidate.

Bajro Biber, predsjedavajući Kluba gradskih vijećnika „USD-BOSS“ je predložio Azru Dervišević, a Jasmin Skorupan, zamjenik predsjedavajućeg Kluba gradskih vijećnika „Korora/Skorupan“ je predložio Kenana Mamića.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno je usvojio** sljedeći **zaključak**:

Kolegij Gradskog vijeća predlaže Komisiji za izbor i imenovanja kandidate za članove Drugostepene žalbene komisije koja se formira u skladu sa Etičkim kodeksom izabranih i imenovanih funkcionera Grada Sarajeva, i to:

1. Nijaz Kurtović
2. Emsel Krupalija
3. Dženan Tikveša
4. Azra Dervišević
5. Kenan Mamić

Ad2)

Priprema za održavanje 24. sjednice Gradskog vijeća Grada Sarajeva

Jasmin Ademović, predsjedavajući Gradskog vijeća je upoznao članove Kolegija da se pripreme za održavanje 24. sjednice Gradskog vijeća odvijaju u skladu sa dinamikom utvrđenom na 35. sjednici Kolegija.

Informisao je članove Kolegija da su, u međuvremenu, upućeni prijedlozi za dodjelu priznanja i nagrada, i to: četiri prijedloga za nagradu „Sarajevska pahuljica“ i jedan prijedlog za priznanje „Počasni građanin Grada Sarajeva“.

Komisija za izbor i imenovanja zakazana je za danas u 15.30 sati, te ukoliko Komisija, kao ovlašteni predlagач, utvrdi prijedloge, isti će biti uvršteni u prijedlog dnevnog reda 24. sjednice Gradskog vijeća.

Jasmin Ademović, predsjedavajući Gradskog vijeća je pozvao članove Kolegija da se izjasne da li su saglasni da se sjednica Komisije za izbor i imenovanja i sjednica Komisije za Statut i akte zakažu u rokovima kraćim od rokova propisanih Poslovníkom Gradskog vijeća Grada Sarajeva za održavanje sjednica radnih tijela.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno, je usvojio** sljedeći zaključak:

Sjednica Komisije za izbor i imenovanja i sjednice Komisija za Statut i akte će se zakazati u rokovima kraćim od rokova propisanih Poslovníkom Gradskog vijeća Grada Sarajeva za održavanje sjednica radnih tijela.

Aida Bajramović, rukovodilac Stručne službe za poslove kabineta i poslove Gradske uprave je, u ime Gradonačelnice, predložila da se u prijedlog dnevnog reda 24. sjednice Gradskog vijeća uvrsti i Informacija o statusu objekta Vidikovac sa prijedlogom zaključaka.

U raspravi koja je uslijedila vezano za uvrštavanje Informacija o statusu objekta Vidikovac sa prijedlogom zaključaka u prijedlog dnevnog reda 24. sjednice Gradskog vijeća učestvovali su **Jasmin Ademović, predsjedavajući Gradskog vijeća** i **Mirela Džehverović, zamjenica predsjedavajućeg Gradskog vijeća**.

Ad3)

Priprema za održavanje 25. sjednice Gradskog vijeća Grada Sarajeva

U uvodnim napomenama, **Jasmin Ademović, predsjedavajući Gradskog vijeća** je podsjetio članove Kolegija da je Okvirnom dinamikom planirano da se 25. sjednice Gradskog vijeća, na kojoj se odlučuje o dodjeli „Šestoaprijske nagrade Grada Sarajeva“, održi u srijedu 15.03.2023. godine.

Međutim, Odbor za dodjelu „Šestoaprijske nagrade Grada Sarajeva“ u 2023. godini će prijedloge kandidata za dodjelu Nagrade uputiti Gradskom vijeću na sjednici koja će se održati u četvrtak 16.02.2023. godine, tako da bi se 25. sjednica Gradskog vijeća mogla održati u srijedu 08.03.2023. godine.

Podsjetio je da se ova sjednica održava bez prisustva javnosti, tako da se može održati u Ovalnoj sali Gradskog vijeća.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno je usvojio** sljedeći zaključak:

- **25. sjednica Gradskog vijeća** će se održati u srijedu **08.03.2023. godine u Ovalnoj sali Gradskog vijeća** sa početkom u **10.00 sati**;
- Predlagač će materijale dostaviti Predsjedavajućem **najkasnije u petak 17.02.2023. godine**;
- Sjednica Komisije za Statut i akte, u pripremi 25. sjednice Gradskog vijeća, održat će se u **ponedjeljak 20.02.2023. godine**;
- Pozivi gradskim vijećnicima za 25. sjednicu Gradskog vijeća će se uputiti u **četvrtak 23.02.2023. godine**.

Ad 4)

Razmatranje građanske inicijative

U uvodnim napomenama, **Jasmin Ademović, predsjedavajući Gradskog vijeća** je podsjetio članove Kolegija da je preko 1100 građana Općine Novi Grada podnijelo građansku inicijativu u kojoj se protive donošenju Regulacionog plana Hepok Čengić Vila 3.

Zatim je upoznao članove Kolegija da je Komisija za Statut i akte, na sjednici održanoj u petak 10.02.2023. godine, u skladu sa Statutom Grada Sarajeva razmotrila potpunost

građanske inicijative, te je utvrdila da inicijativa nije potpuna jer je za građansku inicijativu potrebno prikupiti najmanje 5% potpisa građana.

U raspravi koja je uslijedila učestvovao je **član Kolegija Srđan Srdić**, a dodatna pojašnjenja dao je **Jasmin Ademović, predsjedavajući Gradskog vijeća.**

Aida Bajramović, rukovodilac Stručne službe za poslove kabineta i poslove Gradske uprave je predložila, a članovi Kolegija prihvatili prijedlog, da Gradonačelnica pripremi i dostavi Informaciju o Regulacionom planu Hepok Čengiće Vila 3., koja bi se razmatrala na sjednici Komisije za Statut i akte.

Jasmin Ademović, predsjedavajući Gradskog vijeća je konstatovao da očekuje da Komisija za Statut i akte formuliše Inicijativu kojom će predložiti zaključke Gradskom vijeću u povodu dostavljene građanske inicijative.

Član Kolegija Vedad Deljković napustio je sjednicu Kolegija u 14.27, radi ranije preuzetih obaveza.

Ad 5)

Razmatranje prijedloga Gradonačelnice za postupanje

Jasmin Ademović, predsjedavajući Gradskog vijeća, je upoznao članove Kolegija da je pri usvajanju Budžeta Grada Sarajeva za 2023. godinu uvršten pogrešan naziv Udruženja čiji rad je planirano podržati iz Budžeta Grada Sarajeva te da, u postupku realizacije ovih sredstava, Pravobanilaštvo Grada Sarajeva nije dalo pozitivno mišljenje na prijedlog ugovora jer naziv Udruženja u Budžetu Grada Sarajeva za 2023. godinu nije isti kao naziv iz Rješenja o registraciji Udruženja.

S tim u vezi, najprije je bilo najavljeno predlaganje Izmjena i dopuna Budžeta Grada Sarajeva za 2023. godinu, a zatim je, Gradonačelnica, aktom broj: 01/04-1534/23 od 03.02.2023. godine predložila da se u skladu sa članom 131. Poslovnika Gradskog vijeća Grada Sarajeva izvrši ispravka očigledne greške u opisu predmetne pozicije, međutim, Poslovníkom Gradskog vijeća, ovakva mogućnost nije predviđena.

Jasmin Ademović, predsjedavajući Gradskog vijeća je podsjetio članove Kolegija da je uz poziv za sjednicu Kolegija dostavljen i izvještaj Odbora za budžet i finansije i izvještaj Komisije za Statut i akte.

Ad 6)

Tekuća pitanja

- a) **Jasmin Ademović, predsjedavajući Gradskog vijeća** je upoznao članove Kolegija da slijede pripreme za obilježavanje 01. marta - Dana nezavisnosti Bosne i Hercegovine, te da se očekuje od Gradonačelnice da u potrebnom roku upozna gradske vijećnike o protokolu i sadržaju obilježavanja Dana nezavisnosti u organizaciji Grada Sarajeva.
- b) **Jasmin Ademović, predsjedavajući Gradskog vijeća** je upoznao članove Kolegija o aktivnostima koje su poduzete radi pružanja pomoći Grada Sarajeva građanima zemalja koje su pogođene zemljotresom.
- c) Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno je usvojio** sljedeći **zaključak**:
 1. Radnu grupu za izradu Poslovnika Gradskog vijeća Grada Sarajeva, koji će Gradskom vijeću predložiti Komisija za Statut i akte, činiti će Komisija za Statut i akte, gradski vijećnici predstavnici klubova u Gradskom vijeću, a čiji predstavnici

nisu zastupljeni u Komisiji za Statut i akte i Rukovodilac Stručne službe za poslove Gradskog vijeća.

2. Klubovi gradskih vijećnika će imena svojih predstavnika dostaviti predsjedavajućem Gradskog vijeća u roku od 15 dana, putem mejla pisarnica@sarajevo.ba.

Članica Kolegija Amra Zulfikarpašić je pozvala gradske vijećnike da posjete Galeriju Collegium Artisticum kako bi se upoznali sa radovima na sanaciji Galerije.

Jasmin Ademović, predsjedavajući Gradskog vijeća je izrazio spremnost da se odazove pozivu te zatražio od Amre Zulfikarpašić da Collegium Artisticum Gradskom vijeću Grada Sarajeva dostavi termin posjete.

Članovi Kolegija su vodili raspravu vezano za štampanje Statuta Grada Sarajeva i Etičkog kodeksa izabranih i imenovanih funkcionera Grada Sarajeva. **Član Kolegija Adi Škaljić**, u ime Kluba gradskih vijećnika Naše stranke, je obavijestio članove Kolegija da je za Klub gradskih vijećnika Naše stranke dovoljno da se akti objave na službenoj stranici Grada Sarajeva te da nema potrebe da se isti štampaju, dok je **član Kolegija Srđan Srdić** smatrao prihvatljivim da se akti štampaju i u vidu knjižice.

Jasmin Ademović, predsjedavajući Gradskog vijeća je obavijestio članove Kolegija da će se 37. sjednica Kolegija Gradskog vijeća održati **u petak 24.02.2023. godine.**

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.36 sati.

SEKRETAR GRADSKOG VIJEĆA

Mila Eminović

PREDSJEDAVALJUĆI GRADSKOG VIJEĆA

Jasmin Ademović, s.r.